



Broj: 04-40-1-330/24
Sarajevo, 26.11.2024. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ **za period od 08:30 sati 25.11.2024. do 08:30 sati 26.11.2024. godine**

Dana, 25.11.2024. godine Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo proglasilo je epizodu „Upozorenje“ u zonama A, B, C i D, uz primjenu interventnih mjera.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su osam intervencija od čega dvije veće.

Informacija o prvoj većoj intervenciji je zaprimljena u 19:53 sati, a požar se desio u stambenom objektu gdje je gorio krov i jedna prostorija. Vatrogasne ekipe su bile na terenu u 19:57 sati, učestvujući sa dva vozila i 10 vatrogasaca. Požar je u potpunosti ugašen u 21:27 sati.

Informacija o drugoj većoj intervenciji je zaprimljena u 01:05 sati, a požar se dogodio u preduzeću „Klas“ d.d., gdje je došlo do zapaljenja goriva u proizvodnoj peći. Vatrogasne ekipe su bile na terenu u 01:12 sati, učestvujući sa dva vozila i 10 vatrogasaca. Požar je u potpunosti ugašen u 04:58 sati.

Ostale, manje intervencije se odnose na: tri obezbjeđenja prilikom tankovanja goriva na Međunarodnom aerodromu „Sarajevo“, dvije na obezbjeđenja javnih i kulturnih događaja i jedna na gašenje manjeg požara u stambenom objektu.

Općinski operativni centar civilne zaštite Stari Grad: Općinski štab civilne zaštite organizovao je 24-satno osmatranje terena na lokalitetima Curine njive i Bistrički potok u cilju ranog upozoravanja ugroženog stanovništva i njihove eventualne evakuacije.

a) lokalitet "Curine njive" – Opština Istočni Stari Grad i Opština Stari Grad (Bostarići)

Izlaskom na lokalitet "Curine njive" (Opština Istočni Stari Grad) dana, 25.11.2024.godine uočeno je da su na terenu i dalje prisutne duboke pukotine te da dolazi do pojave oticanja vode iznad

lokaliteta "Curine njive-igralište". Usljed sniježnih padavina te niske temperature zraka nije moguće utvrditi tačno stanje pukotina.

Također je utvrđeno, da iznad dijela parcele igrališta na lokalitetu "Curine njive", a što predstavlja donju tačku nasipa/deponije od strane gradilišta "Trebević Hills" (sa lijeve strane do zaštitne bankine), dolazi do pojava vode koja konstantno otječe, a ista ne predstavlja kišnicu ni oborinske vode sa padina Trebevića (pretpostavka je da se ista javlja iz podzemnih kaptaža koje trpe pritisak zemlje odnosno građevinskog materijala sa nasipa).

Na predmetnom lokalitetu vrši se 24-satno osmatranje terena od strane uposlenika Službe civilne zaštite Općine Stari Grad Sarajevo kao i službi zaštite i spašavanja Općine Stari Grad Sarajevo u cilju ranog upozoravanja ugroženog stanovništva i njihove evakuacije kao i upozoravanja Općinskog štaba civilne zaštite Općine Stari Grad Sarajevo i službi zaštite i spašavanja Općine Stari Grad Sarajevo te Operativnog centra Kantonale uprave civilne zaštite KS, Operativnog Centra Općine Centar Sarajevo i Novi Grad Sarajevo.

b) lokalitet "Knjeginjac" – Opština Istočni Stari Grad

Izlaskom na lokalitet "Knjeginjac" (Opština Istočni Stari Grad) dana, 25.11.2024. godine uposlenici Službe civilne zaštite Općine Stari Grad Sarajevo utvrdili su da se na predmetnom lokalitetu ne vrši odlaganja nove količine zemljanog i kamenog materijala odnosno da se ne izvode nikavi građevinski radovi. Također je utvrđeno da od strane Opštine Istočni Stari Grad još uvijek nije postavljena zaštitna ograda čije postavljanje ima za cilj sprječavanje eventulanog odlaganja nove količine zemljanog i kamenog materijala.

c) lokalitet Bistrički potok – Općina Stari Grad (Boguševac) i Opština Istočni Stari Grad

Izlaskom na lice mjesta dana, 25.11.2024. godine uočeno je da je i dalje djelimično zasuto korito Bistričkog potoka, materijalom sa deponije, obrušenim stablima te ranije isječenim stablima. Nisu uočena nova obrušavanja materijala sa deponije u vidu zemljano-kamenog materijala i stabala niti je uočeno da je vršeno uklanjanje ranije odloženog zemljano-kamenog materijala i stabala. Usljed sniježnih padavina nije moguće utvrditi tačno stanje korita potoka.

Na predmetnom lokalitetu vrši se 24-satno osmatranje terena od strane uposlenika Službe civilne zaštite Općine Stari Grad Sarajevo te se informacije o stanju na ovom lokalitetu redovno dostavljaju dežurnom Operativnom centru.

d) Naredba Štaba civilne zaštite Kantona Sarajevo o evakuaciji stanovništva sa ugroženog područja Općine Stari Grad, broj: 08-40-1128-2/24 od 01.11.2024.godine

Postupajući po Naredbi Štaba civilne zaštite Kantona Sarajevo o evakuaciji stanovništva sa ugroženog područja Općine Stari Grad, broj: 08-40-1128-2/24 od 01.11.2024.godine, uposlenici Službe civilne zaštite Općine Stari Grad Sarajevo redovno vrše obilazak stambenih objekata i građana ulica Bostarići, Ablakovina i Ablakovina čikma.

Postupajući po Naredbi Štaba civilne zaštite Kantona Sarajevo o evakuaciji stanovništva sa ugroženog područja Općine Stari Grad, broj: 08-40-1128-2/24 od 01.11.2024. godine, te Naredbi broj: 08-40-1128-2.1/24 od 20.11.2024. godine, Općinski Štabovi civilne zaštite Centar Sarajevo i Novi Grad Sarajevo, kao i službe civilne zaštite navedenih općina, su u toku dana 25.11.2024. godine u sklopu redovnih aktivnosti pružili neophodnu stručnu podršku Službi civilne zaštite Općine Stari Grad Sarajevo.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 0°C, vlažnost zraka 96%, barometarski pritisak 947,5 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvija po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a